ქვევრის ღვინის ორგანოლეპტიკისა და ანტიოქსიდანტური ნივთიერებების შემცველობის კვლევა

განო შიუკაშვილი–დოქტორანტი, ზურა შაქარაშვილი–"შაქარაშვილების მარნის" მფლობელი, ნინო გეფხიშვილი–ტექნოლოგიის აკადემიური დოქტორი, ასისტენტ-პროფესორი, როლანდ ბურდიაშვილი–დოქტორანტი

საკვანძო სიტყვები: ქვევრის ღვინო, ორგანოლეპტიკა, ფენოლური ნაერთები ანტიოქსიდანტობა.

რეფერატი

კახეთში, "შაქარაშვილების მარანში", ჩატარდა რქაწითელის, კახური მწვანეს, ქისისა და ხიხვის ჯიშის ყურძნებისაგან ქვევრში კახური წესით დაყენებული ღვინოების კვლევა ორგანოლეპტიკისა და ანტიოქსიდანტური ნივთიერებების შემცველობის თვალსაზრისით. დადგინდა, რომ:

- რქაწითელისაგან ქვევრის მაღალი ხარისხის ღვინო, საუკეთესო ორგანოლეპტიკით, დგება თავისსავე
 გაგაზე ექესთვიანი დავარგებისას. უფრო მეტი ხნით დაყოვნება აუხეშებს ღვინის გემოვნურ თვისე ბებს; მნიშვნელოვანია, რომ გაგაზე 6 თვეზე მეტ ხანს გაჩერებისას საგრძნობლად მცირდება
 ღვინოში ფენოლური ნაერთების შემცველობა.
- აღმოსავლეთ საქართველოს მცირე საოჯახო მარნებში უფრო ხშირად გამოყენებული რქაწითელის, მწვანეს, ქისისა და ხიხვის ყურძნებისაგან ქვევრში კახური წესით დაყენებულ ღვინოებს შორის ანტიოქსიდანტური ნივთიერებების სიჭარბით გამოირჩევა ქვევრის ქისი.

შესაგალი. ქართული მარანი წარმოადგენს როგორც ყურძნის დასადუღებელ, ისე ღვინის დასამუშავებელ და შესანახ ადგილს. ზამთარ-ზაფხულ თითქმის თანაბარი ტემპერატურა მოხერხებულს ხდის მარნის სხვადასხვა მიზნით გამოყენებას. აქ თავსდება ჭურჭელი, სადაც ღვინოს აყენებენ ან ინახავენ. ასეთია: კასრები, ქვევრები, მინისა თუ უჟანგავი ფოლადის და ემალირებული ჭურჭელი. მუხის კასრებში გარკვეული დროით შენახულ ღვინოს განსაკუთრებული გემო და ხარისხობრივი მახასიათებლები აქვს. მუხის კასრი არა მხოლოდ ჭურჭელი, არამედ ღვინის დავარგებაში მონაწილე მნიშვნელოვანი მასალაცაა—აუმჯობესებს ღვინის გემოს, უფრო დახვეწილს ხდის და სხეულს მატებს მას [1].უჟანგავ და ემალირებულ დიდ ავზებს უფრო მეტად დიდი წარმოებები იყენებენ, დიდი მოცულობის პროდუქციის საწარმოებლად და შესანასად.

უკანასკნელ ხანს, აღინიშნება ტენდენცია, რომ ახლადფეხადგმული მცირე საოჯახო მარნების მფლობელები განსაკუთრებულ ინტერესს კახური ტექნოლოგიით დამზადებული ქვევრის ღვინის მიმართ იჩენენ. უნიკალური ორგანოლეპტიკისა და მაღალი სამკუნალო კვებითი ღირებულების გამო, დიდად გაიზარდა მასზე მოთხოვნილება, როგორც ადგილობრივ, ისეუცხოეთის ბაზრებზე.

ქვევრში, კახური წესით დასაყენებლად თეთრი ჯიშის ყურძნებიდან, ძირითადად, რქაწითელის, მწვანეს, ხიხვის, ქისის ყურძენს იყენებენ [2]

ბევრი გამოკვლევა მიეძღვნა კახური ღვინის განსაკუთრებულ ქიმიურ შემადგენლობას [5], რაც მის სამკურნალო-პროფილაქტიკურ აქტიურობას განაპირობებს.კახურ ღვინოში ბევრია ადამიანის ჯანმრთელობისთვის სასარგებლო ნივთიერება, მაგ. მასში არის $\mathbf{B_1}$, $\mathbf{B_2}$, $\mathbf{P_3}$ ვიტა-მინები. ეს უკანასკნელი ამაგრებს სისხლძარღვების კედლებს და აწესრიგებს ნივთიერებათა ცვლას ორგანიზმში.

დადგენილია, რომ კახური ღვინო მდიდარია, ასევე, ფლავონოლებით, რომელთა რიცხვს მიეკუთვნება კვერცეტინი, მირიცეტინი [4].

გარდა ფლავონოლებისა, კახური ღვინოები შეიცავს არაფლავონოიდური ჯგუფის ნივთიერებებსაც, მაგალითად სტილბენებს, რომელთა უმნიშვნელოვანესი წარმომადგენელია რეზვერატროლი[3].

ამის გარდა, ჭაჭიდან ღვინოში გადადის ძალიან ბევრი სხვა სასარგებლო ნივთიერება, რომლებიც, ასევე, გამოირჩევა მაღალი ბიოლოგიური და ანტიოქსიდანტური აქტიურობით. ისინი, ზოგადად, აძლიერებს ადამიანის იმუნიტეტს სხვადასხვა დაავადების მიმართ [3,4]. *ექსპერიმენტი.* თელავის მუნიციპალიტეტის სოფ. კონდოლში არსებულ "შაქარაშვილების ღვინის საოჯახო მარანში " ჩატარდა ექსპერიმენტები: ქვევრის ტექნოლოგიური მეთოდის გავლენის შესასწავლად სხვადასხვა ჯიშის ყურძნისაგან დამზადებული ღვინის ორგანოლეპტიკისა და ზოგიერთი ანტიოქსიდანტური ნივთიერების შემცველობაზე.

ცღები ჩატარდა რამდენიშე ვარიანტად. ნედლეულად გამოყენებულ იქნა საქართველოში სამრეწველო წარმოებისათვის განკუთვნილი, კახეთში გავრცელებული თეთრი ყურძნის ჯი-

შები: 2016 წლის რქაწითელი, მწვანე, ხიხვი, ქისი.

ექსპერიმენტი 1. კახური მეთოდით რქაწითელის დადუღება ქვევრში და სხვადასხვა ხნით (6 და 8 თვით) დავარგება ჭაჭაზე. ექსპერიმენტისთვის მოიკრიფა რქაწითელის ჯიშის ფიზიოლოგიურად მწიფე ყურძენი (შაქრის შემცველობა 23,4 %), რომელიც დაკრეფის შემდეგ განაწილდა ერთნაირი მოცულობის და ფორმის ქვევრებში (სულ, 3 ვარიანტი). ყურძნის წვენსა და ჩენჩოსთან ერთად ქვევრში მოექცა წიპწა და კლერტი. ქვევრებში მოცულობის 20 % დარჩა სადუღრად.

ალკოჰოლური დუღილი ბუნებრივ საფუარებზე გაგრძელდა 8-12 დღის განმავლობაში, 20-22 გრადუსის ფარგლებში. დუღილის დასრულების შემდეგ, ქვევრები გადაივსო ერთნაირი ღვინით (ექსპერიმენტისთვის, 2 ქვევრი) და დაიხურა გაზაფხულამდე. ერთ ქვევრში ღვინო მოიხსნა

მარტის ბოლოს (6 თვის შემდეგ), ხოლო მეორეში–მაისის ბოლოს (8 თვის შემდეგ).

ექსპერიმენტი 2. ხიხვის, მწვანესა და ქისის ჯიშის ყურძნის გადამუშავება, დადუღება და დავარგება კახური ტექნოლოგიის მიხედვით. ექსპერიმენტისათვის მოიკრიფა ხიხვის, მწვანესა და ქისის ჯიშის ფიზიოლოგიურად მწიფე ყურძენი (შაქრის შემცველობა, შესაბამისად, 25,1–23,4–23,1 %0, რომელიც დაჭყლეტის შემდეგ, ცალკეული ჯიშის მიხედვით, განაწილდა ერთნაირი მოცულობის (1500 ლ) და ერთნაირი ფორმის ქვევრებში, ორ-ორ ვარიანტად (სულ, 6 ვარიანტი); ყურძნის წვენსა და ჩენჩოსთან ერთად ქვევრში მოექცა წიპწა და კლერტი. ქვევრის მოცულობის 20 % დარჩა სადუღრად.

ალკოჰოლური დუღილი წარიმართა 7-11 დღის განმავლობაში, 18-22გრადუსის ფარგლებში, ბუნებრივი საფუარების მეშვეობით. დუღილის დასრულების და ნახშირორჟანგის შემცველო-ბაზე შემოწმების შემდეგ, ქვევრები გადაივსო იდენტური ღვინოებით (ექსპერიმენტისათვის შეირჩა 3 ქვევრი) და დაიხურა გაზაფხულამდე, ჭაჭიდან ღვინოები მოიხსნა 6 თვის შემდეგ , მარტის ბოლოს.

ყველა საექსპერიმენტო ღვინო შეფასდა ორგანოლეპტიკურად და სპექტროფოტომერულად განისაზღვრა მათში ჯამური ფენოლური ნივთიერებებისა და ზოგიერთი ანტიოქსიდანტური

ნაერთის შემცველობა.

კვლევის შედეგები და დასკვნები. დეგუსტატორების მიერ მოწოდებული შედეგების მიხედვით, რქაწითელის ღვინოებს შორის ორგანოლეპტიკურად უფრო მეტად დახვეწილი აღმოჩნდა ის ვარიანტი, რომელიც ჭაჭაზე მაცერაციას ოქტომბრიდან მარტის ბოლომდე განიცდიდა. 8 თვით (ოქტომბრიდან მაისამდე) ქვევრში ჭაჭაზე დატოვებულ ღვინოს აღმოაჩნდა უფრო უხეში ორგანოლეპტიკა, მათ შორის, ქვევრის ზედმეტი გემო და ნაკლები გამჭვირვალობა. როგორც ჩანს, 6 თვის შემდეგ ჭაჭაზე დატოვება ქვევრში ღვინოს აუხეშებს და უცვლის ორგანოლეპტიკურ ღირებულებებს.

საინტერესო შედეგი მოგვცა ევროპული ტიპის ღვინოების ორგანოლეპტიკურმა ანალიზმა: ხიხვის ევროპულად დამზადებული ღვინო კრიალა და გამჭვირვალეა, ფერად კი – სასიამოვნო

მომწვანო-მოყვითალო.

ჯამური ფენოლური ნაერთებისა და ზოგიერთი ანტიოქსიდანტური ნივთიერების შემცველობის მიხედვით, ასეთი სურათია:

- **რქაწითელის დგინოში** საერთო ფენოლები რაოდენობრივად ექვსთვიანი დავარგებისას უფრო მეტი დაგროვდა (1248 მგ/ლ), ვიდრე 8-თვიანი დაძველებისას (611,5 მგ/ლ), რაც დროის ამ ორთვიან მონაკვეთში ღვინოში გადასული ფენოლური ნაერთების უკან, ჭაჭაზე ადსორბციით უნდა იყოს გაპირობებული;
- ქვევრის ქისმა, საექსპერიმენტო ღვინოებს შორის, ექვსთვიანი დაძველების შემდეგ შეიძინა ჯამური ფენოლური ნაერთების ყველაზე მეტი რაოდენობა (1359 მგ/ლ);

- სხვადასხვა ხანგრძლივობით დავარგებულ **რქაწითელის** არცერთ ღვინოში არ არის ტრანსრესვერატროლი, ხოლო **დანარჩენ საექპერიმენტო ღვინოებშიც**—ქისი, ხიხვი, მწვანე-მცირე რაოდენობითაა, (სულ 0.07-0.09მგ/ლ);
- ქვევრის ღვინოშიც და ევროპული ტიპის ღვინოშიც გვხვდება ცის-რეზვერატროლი. ცის რეზვერატროლი უმნიშვნელო რაოდენობით, მაგრამ, მაინც, გვხვდება სხვადასხვა დროით დავარგებულ რქაწითელის ღვინოში;
- **ყველა ტიპის ღვინოში** გვხვდება კვერცეტინი. სხვადასხვა ტექნოლოგიით დამზადებულ ღვინოებში–დიდი კონცენტრაციული სხვაობით. მაგ. ევროპულად დამზადებულ ქისში– 0,02 მგ/ლ, ხოლო კახურში 0,2 მგ/ლ;
- **რქაწითელის ღვინოში** კვერცეტინის, ისევე, როგორც ცის-რეზვერატროლის კონცენტრაცია მატულობს მარტიდან მაისამდე (0,03-დან 0,08 მგ/ლ-მდე). ეს მოვლენა, შესაძლოა, დაკავშირებული იყოს გახანგრძლივებულ მაცერაციასთან, ან სხვა ქიმიურ გარდაქმნასთან;
- საინტერესო შედეგები დაფიქსირდა მირიცეტინის შემცველობის კვლევისას. კერძოდ, **ხიხვში** მირიცეტინი გვხვდება როგორც ქვევრის, ისე ევროპული ტიპის ღვინოში (0,05 მგ/ლ); მირიცეტინი **მწვანესა და ქისში** მხოლოდ ქვევრის ღვინოების შემადგენლობაშია; მირიცეტინი **რქაწითელში** გვხვდება მხოლოდ რვათვიანი მაცერაციის ღვინოში მცირე რაოდენობით.

ორგანოლეპტიკურად ღვინოები შეფასდა ასე:

ხიხვი ევროპული–სასიამოვნო მომწვანო-მოყვითალო, გემოზე ხავერდოვანი, სველი ბალახის და იასამნის არომატი;

ხიხვი ქვევრის – ოქროსფერი, გემოზე ხავერდოვანი, ხილის ჩირის არომატი;

მწვანე ევროპული – ქარვისფერიფერი, გემოზე ნაზი, ახალი ვაშლის არომატი;

მწვანე ქვევრის – ქარვისფერი, გემოზე ძლიერ სხეულიანი, ხანგრძლივი დაბოლოებით, გარგარის, ვაშლის, კომშის არომატი;

ქისი ევროპული – ჩაისფერი, გემოზე რბილი, ხავერდოვანი, თეთრი ხილის არომატი;

ქისი ქვევრის – მუქი ჩაისფერი, მქლერტავი გემო, მდიდარი ტანინებით, ჭერმის, მანგოს ჩირის არომატი;

ექვსი თვით დავარგებული რქაწითელი – მუქი ჩაისფერი, რბილი ტანინების გემო, თეთრი ხილის არომატი;

რვა თვით დავარგებული რქაწითელი–მუქი ჩაისფერი, არასასიამოვნო მქლერტავი გემო, დაჟანგული თეთრი ხილის არომატი;

დამზადებული ღვინოების სპექტროფოტომეტრულიკვლევისას მიღებული შედეგები მოტანილია ცხრილში.

მაჩვენებელი ღვინო	%పరిగ్రాగం బ్రెకిలుడ్నారిం, రిస్మీడా	ტრანს- რეზგერა ტროლი, მგ/ლ	ცის- რეზგერა ტროლი, მე/ლ	მირიცეტ ინი, მგ/ლ	კვერცეტ ინი, მგ/ლ
1ხიხვი ევროპული	54,7	-	0,05	0,05	0,05
2. ხიხვი ქვევრის	1270,8	0,07	0,40	0,2	0,22
3.მწვანე ევროპული	54,2	-	0,03	-	0,03
4. მწვანე ქვევრის	1221,9	0,08	0,77	0,10	0,10
5.ქისი ევროპული	64,6	-	0,05	-	0,02
6. ქისი ქვევრის	1359,3	0,09	0,20	0,20	0,20
7. რქაწითელი 6-თვიანი დაძველებით	1248	-	0,05	-	0,03
8. რქაწითელი 8-თვიანი დაძველებით	611,5	-	0,09	0,03	0,08

ამრიგად, ჩატარებული კვლევის შედეგად დადგინდა, რომ:

- რქაწითელისაგან ქვევრის მაღალი ხარისხის ღვინო, საუკეთესო ორგანოლეპტიკით, დგება
 თავისსავე ჭაჭაზე ექვსთვიანი დავარგებისას. უფრო მეტი ხნით დაყოვნება აუხეშებს
 ღვინის გემოვნურ თვისებებს; მნიშვნელოვანია, რომ ჭაჭაზე 6 თვეზე მეტ ხანს გაჩერებისას
 საგრძნობლად მცირდება ღვინოში ფენოლური ნაერთების შემცველობა.
- აღმოსაგლეთ საქართგელოს მცირე საოჯახო მარნებში უფრო ხშირად გამოყენებული რქაწითელის, მწვანეს, ქისისა და ხიხვის ყურძნებისაგან ქვევრში კახური წესით დაყენებულ ღვინოებს შორის ანტიოქსიდანტური ნიგთიერებების სიჭარბით გამოირჩევა ქვევრის ქისი.

გამოყენებული ლიტერატურა:

- 1. ჯავახიშვილი მ., (2006) "კახური ღვინის ტექნოლოგია და მისი თავისებურებები" საგამომცემლო და პოლიგრაფიული ცენტრი;
- 2. ჩხარტიშვილი ნ., (2015) "ვაზის გენეტიკური რესურსები საქართველოში", "საქართველოს აგრობიომრავალფეროვნება", თბილისი;
- 3. მესხი მ., (2006) კახური ტიპის თეთრი ღვინის სამკურნალო-კვებითი ღირებულების ამაღლება სტილბენური ნაერთებით. ტექნიკის მეცნიერებათა კანდიდატის სამეცნიერო ხარისხის მოსაპოვებლად წარმოდგენილი დისერტაცია. თბილისი;
- 4. ღლონტი თ. (2011) "ყურძნის კლერტი და ქვევრის ღვინო";
- 5. Багатурия Н.Ш. (2010) «Грузинское виноделие», Тбилиси.

Study about organoleptic and antioxidant content of Qvevri Wines (Georgian traditional clay jar fermented wines)

Vano Shiukashvili – PhD,

Zurab Shakarashvili – Owner of "Shakarashvili Wine Cellar",

Nino Vephkhishvili – Academic Doctor of Technological, Assistant-Professor,

Roland Burdiashvili – PhD

Key words: Qvevri wine, organoleptic properties, phenolic compounds, antioxidant properties.

Abstract

Research of wines made by Kakhetian traditional method of Georgian varieties Rkatsiteli, Mtsvane, Kisi and Khikhvi was conducted at Shakarashvili Wine cellar, where antioxidant and organoleptic characteristics were studied. Results of the research:

- Wines with extraordinary organoleptic quality can be done from Rkatsiteli grape variety with 6 months skin maceration. More maceration time deteriorates gustatory characteristics of the wines, wines become harsher by flavor; it is notable that skin maceration for more than 6 months decreases the content of phenolic compounds in the wines.
- The wines made at small wineries from Rkatsiteli, Mtsvane, Kisi and Khikhvi grape varieties, made by Kakhetian traditional method, most abundant antioxidant compounds were found in Qvevri Kisi wines.